

庶物類纂

菌屬
自四至五


容

太政官文庫			
和	特	一	二
書	別	三	六
門		二	番
		函	號
		册	架
		四	六
		五	册


内閣文庫			
番號	和	32362	
冊數	465(322)		
函號	特	54	1

九十向

共六







庶物類纂菌屬卷之四目次

木芝

草芝


肉芝

五色芝


妖草


庶物類纂 卷四

菌屬目次



水芝





木芝

抱朴子曰木芝者松柏脂淪地千歲化為茯苓萬壽
 其上生小木狀如蓮花名曰木威喜芝夜視有光持
 之甚滑燒之不焦帶之辟兵以帶雞而雜他雞十二
 頭共籠之去十二步射十二箭他雞皆傷帶威喜芝
 者終不傷也從生門上採之六甲陰中乾之百日未
 服方尺寸七日三盡一枝則三千歲也

太平御覽

機謹按尺字疑衍也

又曰木渠芝寄生大木上如蓮花九莖一叢其味甘

而辛建木芝實生於都廣其皮如櫻蛇其文如鸞鳥
此芝得服之白日昇天也上同

又曰千歲之枯木其下根如坐人長七寸刻之血以
其血塗足可以步行水上不沒以塗人鼻入水水為
之開可以止住淵底也以塗身則隱形欲見則拭之
又可以治病病在腹內則刮服一刀圭其腫痛在外
者隨其所在刮一刀圭以摩之皆下手即愈假令左
足有疾則刮塗之左足也上同
又曰松樹枝三千年者其皮中有聚脂狀如龍形名

曰飛節芝大者十斤未服之盡一斤得五百歲上同

又曰樊桃芝其木如昇龍其花葉如丹蘿其實如翠

鳥高不過五尺生於名山之陰東流泉水之上以夏

至後伺之得未服之一株得五千歲上同


松脂淪入地千歲化為茯苓萬歲其上生小木狀似

蓮花名曰木威喜芝夜視有光持之甚滑燒之不然

帶之辟兵以帶雞而雜以他雞十二頭共籠之去之

十二步射十二箭他雞皆傷帶威喜芝者終不傷也

千歲之栢木其下根如坐人長七寸刻之有血以



其血塗足而可以步行水上不沒以塗人鼻以入水
水為之開可以止住淵底也以塗身則隱形欲見則
拭之又刮以雜巨勝為燭夜遍照地下有金玉寶藏
則光變青而下垂以錘掘之可得也 松樹枝三千
歲者其皮中有聚脂狀如龍形名曰日飛節芝大者
重十斤 樊桃芝其木如昇龍其花葉如丹羅其實
如翠鳥高不過五尺生於名山之陰東流泉水之上
以立夏之候伺之 參成芝赤色有光扣之枝葉如
金石之音折而續之即復如故 木渠芝寄生大木

上如蓮花九莖一叢其味甘而辛 建木芝實生於
都廣其皮如纓蛇其實如鸞鳥 黃蘗檀桓芝黃蘗
木下根有如三解器去本株三十八丈有以細根相
連狀如縷明慎懋官華夷花
木鳥獸珍玩考 千歲芝○生於枯木下根如坐人刻之有血取血塗
二足可行水隱形延年却疾者
木或喜芝○松脂淪地化為伏苓歲久上生小木狀
似蓮花夜視有光燒之不焦服之得仙
飛節芝○生千年老松上皮中有脂其狀如飛舞服

之可以長生

木渠芝○寄生大木上狀似蓮花而一叢有九莖味則甘而帶辛

黃蘗芝○生於千年黃蘗根下另有細根如絲縷服之可得地仙

參成芝○赤色有光扣其枝葉如金石之音
連木芝○生都廣皮如縷實如鸞

五德芝○其形如車馬食之者壽可得千歲
樊桃芝○本如籠花如丹蘿實如飛鳥

九光芝○形如盤槎生臨水之高山頂

九莖芝○一幹九莖其色紅黃可愛漢元封中生於

甘泉殿齊房以上清陳誤子秘傳花鏡

順治六年竹閣產靈芝于大木杪建德縣志


瑞應圖曰木芝者松脂淪地十歲化為茯苓茯苓萬

歲其上有小木狀似蓮花其名曰木威喜芝夜視有

光持之甚滑燒之不然帶之辟兵淵鑑類函

機謹按藝文類聚蓮花作蓮葉不然作不焦

草芝



草芝

獨搖芝無風自動其莖大如手指赤如丹素葉似莧
 其根有大魁如斗有細者如雞子十二枝周繞大根
 之四方如十二辰也相去丈許皆有細根如白髮以
 相連生高山深谷之上其所生左右無草懷其大根
 即隱形欲見則左轉而出之 牛角芝生虎壽山及
 吳坂上狀似葱特生如牛角長三四尺青色 龍仙
 芝形似昇龍之相負也以葉為鱗其根則如蟠龍
 麻母芝似麻而莖赤色花紫色 珠芝其花黃其葉

赤其實如李而紫色二十四枚輒相連而垂如貫珠也。白符芝高四五尺似梅常以大雪而花季冬而實。朱草芝九曲曲有三葉葉有三世也。五德芝狀似樓殿莖方其葉五色各具而不雜上如偃蓋中有甘露紫氣起數尺矣。龍御芝常以仲春對生三節十二枝下根如坐人。明慎懋官華夷花木鳥獸珍玩考龍仙芝○形似昇龍相負食之可以長生。白雲芝○生名山白石之陰有白雲時覆其上。青雲芝○青蓋三重其理則赤食之主壽。

獨搖芝○根大如斗莖粗如指能無風自動。

牛角芝○生虎壽山形似葱而特出類角。

紫珠芝○莖黃葉赤實如李而紫色生藍田。

火芝○葉赤而莖青昔為赤松子之所服。

九曲芝○九曲每曲三葉實生葉間其莖如針。

白符芝○似梅大雪開花至季冬始實。


夜光芝○生華陽洞山陰有五色光浮其上。

鳳腦芝○其苗如匏而結實若桃。

雲母芝○生山陰時有雲護秋採食令人身輕。

金芝○漢元康中金芝九莖連葉生於函德殿銅池
又唐上元二年含輝院產金芝以上清西湖花隱
陳湜子秘傳花鏡

肉芝



肉芝

抱朴子曰千歲燕其窠戶北向其色多白而尾毛掘取陰乾末服得五百歲凡此百二十種皆肉芝也

御覽

又曰肉芝者謂萬歲蟾蜍頭上有角額下有丹書八字以五月五日日中時取之陰乾百日以其足畫地即為流水千歲蝙蝠色如白雪集側倒懸腦重故也此二物得而陰乾末服之令人壽四萬歲千歲烏五色其額上兩骨起似角以羊血浴之乃剔取服之壽

千歲行山中見小人乘車馬長六寸者乃肉芝也取服之即成仙凡百二十種皆肉芝也同上

或山中見小人乘車馬長七八寸者肉芝也取服之即仙出抱朴子○
太平廣記

昔有人泊渚登岬忽見蘆葦間有十餘崑崙偃卧手足皆動驚報舟人舟人有嘗行海中者識之菌也往視之首皆連地割取食之菌但無七竅抱朴子云肉

芝如人形產于地亦此類也何足怪哉出嶺南異物志○同上

蘭陵蕭逸人亡其名嘗舉進士下第遂焚其書隱居

潭水上從道士學神仙因絕粒吸氣每旦屈伸支體

冀延其壽積十年餘髮盡白色枯而背僂齒有墮者

一旦引鏡自視勃然發怒且曰吾棄聲利隱身田野

間絕粒吸氣冀得長生今亦衰瘠如是豈我之心哉

即還居鄴下學高人遂什一之利凡數年資用大饒

為富家後因治園屋發地得物狀類人手肥而且潤

色微紅逸人得之驚曰豈非禍之芽且吾聞大歲所

在不可興土事晚有犯者當有修肉出其下固不祥

也今果有奈何然吾聞得肉食之或可以免于烹烹

而食未甚美食且盡自是逸人聽視明力愈壯貌愈
少髮之禿者盡黥然而長矣齒之墮者亦駢然而生
矣逸人默自竒異不敢告于人後有道士至鄴下逢
逸人驚曰先生嘗得餌仙藥乎何神氣清晤如是道
士因軫其脈火之又曰先生嘗食靈芝矣夫靈芝狀
類人手肥而且潤色微紅者是也逸人悟其事以告
道士賀曰先生之壽可與龜鶴齊矣然不宜居塵俗
間當退休山林棄人事神仙可致逸人喜而從其語
遂去竟不知所在

○出宣尸志
同上

機謹按而居二字據下文當作而且二字

予昔夢食石芝作詩記之今乃真得石芝於海上子
由和前詩見寄予頃在京師有鑿井得如小兒手以
獻者臂指皆具膚理若生子聞之隱者曰此肉芝也
與子由烹而食之追記其事

石芝詩引○宋
蘇東坡全集

機謹按王如錫東坡養生集同


國初己亥冬遣使發卒修陂塘時山陰大樂瀛湖塘
掘得一物類小兒臂紅潤如生無有識之者乃棄之
此肉芝也食之延年

元吾衍問
中漫編

孝豐南郊有宋姓者治圃為業忽一日鋤韭畦叢草
 中得物如嬰孩掌當腕截鋤口尚有血痕宋駭異持
 歸以為不祥氣遂索然不振家漸替俗傳為崇殊不
 考此物名肉芝食之可登僊明朱國禎湧幢小品
 肉芝萬歲蟾蜍千歲蝙蝠靈龜風生獸千歲鶯詳見抱朴子○明慎懋官華夷花木鳥獸珍玩考
 江鄰幾嘉祐雜志云徐鎮廷評監廬州稅河次得一
 小兒手無血懼埋之案白澤圖所謂封食之多力神
 仙感遇記云蕭靜之掘得一物類人手肥潤烹食之

逾月齒髮再生一道士云肉芝也又二物形狀既同
 不知何以別其為封與肉芝也關西蒙泉胡侍○百陵學山

今年春長洲漕湖之濱有農婦治田見湖灘一物白
 如雪超視之乃見一小兒手也連臂約長尺許其下
 作聲唧唧驚走報其夫夫往看亦甚疑怪掘之其根
 不可窮乃折而棄之湖嘗讀神仙感遇傳云蘭陵蕭
 靜之掘地得物類如人手肥潤而紅烹而食之踰月
 髮再生力壯貌少後值道士顧靜之曰神氣若是必
 嘗仙藥指其脉曰所食者肉芝也壽等龜鶴矣然則



漕湖之物正此類耳乃不幸棄于愚夫之手惜哉

陸燦庚已編

學而不行謂之視肉山海經狄山有視肉注聚肉形

如牛肝有兩目食之至盡尋復生如故太平廣記載

蘭溪蕭靜之掘地得物如人手臠而食之甚美後遇

一道士話之道士曰此肉芝也壽等龜鶴矣江鄰幾

雜志云徐稹廷評於廬州河次得一小兒手無指懼

而棄之此政所謂肉芝者也狄山所產想亦此類

肇湖五雜俎

謝明

成化間長洲漕湖灘上生一物白似雪儼如小兒手
臂長尺許名曰肉芝時人不識也以為異物取而棄

諸湖中明陳仁錫潛確類書

瑞應圖曰行山中見小人乘馬車長七八寸者肉芝

生取服即僊類函

抱朴子曰肉芝者謂萬歲蟾蜍頭上有角額下有丹

書八字體重以五月五日中時取之陰乾百日以其

足畫地即為流水帶其左手於身辟兵若敵人射已

者弓弩矢皆返還自向也

同上

人掌芝 蘭陵蕭靜之掘地得一物類人掌烹食之

後遇一道人見其神氣不凡語曰子得食肉芝自此

壽可等乎龜鶴清陳洪子秘傳花鏡

蝙蝠芝明成化間長洲產肉芝其形類蝙蝠人皆以

為異而特誌之同上

千歲龜千歲蟾蜍燕胎芝因其形似皆肉芝也同上


斗山穴有肉芝即千歲蝦蟇得而食之可以延年陝西

通志


王喬蜀人北平山有白蝦蟇謂之肉芝食之得道今

武陽有喬仙祠保定府志

本草綱目卷之三



五色芝



本草綱目卷之三

菌屬 五色芝 一

五色芝

五芝經云皆以五色生五嶽諸方所獻白芝未必華
山黑芝又非常嶽且多黃白稀有黑青者然紫芝最
多非五芝類但芝自難得縱獲一二豈得終久服耶


嘉祐補
註本草

芝有五色常生山谷中明陳留謝肇
湖鼓山志

神農芝論曰山川雲雨五行四時陰陽晝夜之精以

生五芝神芝皆為聖王採擇焉淵鑑
類函

赤芝一名丹芝色如珊瑚其艷麗異常生於衡山食



之輕身延年

黃芝一名金芝色如紫金光明洞徹多產於高山之上食之不老

黑芝一名玄芝色如澤漆其光潤可愛生於常山

青芝一名龍芝色若翡翠之羽多產於泰山

白芝一名素芝色如截肪生華山唐時延英殿御座

上生玉芝一莖有三花以上清西湖花隱陳湜子秘傳花鏡

妖草

本草綱目卷之四

妖草

靈帝中平元年夏濟陰濟陽宛句離狐縣界有草生其莖靡纍腫大如手指狀似鳩雀龍蛇鳥獸之形五色各如其狀羽毛頭目足翅皆具蓋草妖也是歲黃巾

賊起漢祚衰微○曹州志

漢中平元年夏妖草生大如手指為龍蛇鳥獸形五色頭目毛羽皆具蓋妖草也是歲黃巾賊作亂封丘縣志漢中平元年夏妖草生其莖靡纍腫大如手指為龍蛇鳥獸形五色各如其狀毛羽耳目皆具近草妖也

本草綱目卷之四 茵屬 妖草 二

庶物類纂卷之五

是歲黃巾賊起見漢書五行志長垣縣志

[Empty rectangular frame]

庶物類纂菌屬卷之五目次

菌

[Empty rectangular frame]

庶物類纂卷之五

菌屬目次

菌

一名蕈通雅一名菰新城縣志

倍名結ナ那各ナ又名孤ク煞サ虚ヒ拉ラ又名搭ダ客カ又名
麼モ搭ダ舍セ又名拿ナ法ハ對馬州

菌

異菌開成元年春成式脩竹里私第書齋前有枯紫
 荆數枝蠹折因伐之餘尺許至三年秋枯根上生一
 菌大如斗下布五足頂黃白兩暈綠垂裙如鵝鞞曰
 鞞高尺餘至午色變黑而死焚之氣如麻香成式嘗
 置香爐於枅臺每念經門生以為善徵後覽諸志怪
 南齊吳郡褚思莊素奉釋氏眠於渠下短柱是柀木
 去地四尺餘有節太明中忽有一物如芝生於節上
 黃色鮮明漸漸長數尺數月遂成千佛狀面目爪指

及光相衣服莫不完具如金鑠隱起摩之殊軟常以
春末生秋末落落時佛行如故但色褐耳至落時其
家貯之箱中積五年思莊不復往其下亦無他顯盛
闔門壽考思莊父終九十七兄年七十健如壯年
唐段成式酉陽雜俎

山中雨後多生菌其一名曰蕈凡有數種惟春末最
多八月雖有而不時其小者可食山人饜之而城居
不多得也樵童得者負以筠籠多售於楓橋市郭人
爭買之與珍異等以其非植而有故也
吳郡揚循吉居山雜志

謝幼貞嗜菌庭中忽生一菌狀若飛鳥沈子玉曰此
謂禽芝以處女中單覆之則活煮而食之可數百歲
謝入取中單有隣女乞火跨之翩然飛去謝但嘆恨
而已
內觀日疏說郭

菌者鬱蒸之氣所發多生山谷竹樹幽潤之所白者
名玉蕈最貴黑者名茅蕈赤者名竹蕈皆下品也蘓
子瞻與參寥行智果園得黃耳蕈詩云老楮忽生黃
耳蕈故人兼致白芽薑別有一種毒蕈形似而味美
食之殺人宋乾道初靈隱寺後生一蕈圓徑二尺紅

潤可愛寺主驚喜以為珍品不敢食獻於楊郡王亦奇之曰是當為玉食奏進於孝宗詔以美味宜供佛復賜靈隱寺益朝廷初不知其出於寺也復持至寺盛之以盤經日頗有汁液沾濡兩犬爭舐之一時狂死寺主驚曰苟入天厨必遭殊戮亟瘞諸地益萬乘所御自有神護而楊王大貴人寺主不私口腹皆得免意外之禍又有圓頭而細脚者名為丁蕈元時松陽楊渠南者滑稽士也與僧道元食丁蕈戲作詩云頭子光光脚似丁祇宜豆腐與波稜釋伽見了呵

呵笑煮殺許多行脚僧明田汝成西湖遊覽志餘

蕈從覃覃延也蕈味雋永有覃延之意蕈品不一宋人陳仁玉著菌譜甚詳今錄其畧於此云芝菌皆氣茁也自高山茹芝而五臺天花亦甲羣彙仙居介乎天台括蒼之間叢山入天仙靈所宮爰產異菌林居巖栖者左右芘之乃藜藿之至腴近或以羞王公登玉食矣一曰合蕈又名台蕈生台之羣羗山寒極雪収春氣欲動土稔芽活此菌候也其質外褐色肌理玉潔芳香韻味一發全鬲聞於百步山人曝乾以售

香味減於生者他山雖產其柄高而香劣不及矣二
曰稠膏葷生孟溪諸山秋中雨零露浸釀山膏不映
發為菌花生絕頂樹杪初如蕊珠圓瑩類輕酥滴乳
淺黃白色味尤甘已乃張傘大若掌味頓渝矣春時
亦生而膏液少食之之法下鼎似沸澆起參和衆味
而特全於酒切勿攪動則涎腥不可食矣亦可蒸熟
致遠三曰松葷生松陰永無時凡物松出無不可愛
者四曰麥葷生溪邊沙壤中味殊美絕類磨菰五曰
玉葷初寒時生潔皙可愛作羹微韌俗名寒蒲葷六

曰黃葷叢生山中黃色俗名黃纘葷又名黃柁七曰
紫葷緒紫色產山中為下品八曰四季葷生林木中
味甘而肌理粗峭九曰鶩膏葷生高山中狀類鶩子
久而緻開味殊甘滑不減稠膏然與杜葷相亂不可
不慎杜葷土菌也明李東壁
本草綱目
呂氏春秋云越駱之菌高註云越駱國名菌竹筍也
羅云菌不可以言筍疑即陳譜竹菌吳中竹菰與
廣雅云菌薰也其葉謂之蕙
離騷經雜申椒與菌桂兮朱註云薰草也生下濕地

似與蕙同類如廣雅所云

因話錄云都水使者崔綽少年豪俠不拘小節天寶
中有方士過其家崔傾財奉之亦無所望方士臨去
留藥一丸為別崔殊不之重埋於牀下燕薊之亂家
人避賊崔在後末去忽見牀下有菌甚肥鮮因煮而
食之雜以葷味自此體腹輕健至老更無疾病月中
視小字夜食生彘元和初猶在年九十餘卒蘇州刺史
韋公集中所贈崔都水詩者是也向得靈藥便能
正爾服之當已輕舉矣其次食所化靈芝不雜葷茹

又應反顏住世壽不可量蓋玄中但以有壽無疾酬
好施之功而已崔即蘇州之堂妹壻也以上明景
升且史

湖中大旱乏食見其采菌草食之予止其有毒山人
云凡色大紅及黑白色者俱不可食惟淡紅色者無
毒予讀夷堅志所云簡坊大草及金谿田僕至殞命
者十四人癸辛志載感慈菴僧得奇草事死者十餘
人凡草之奇且大者有毒無疑草受溼熱之氣謹疾
者宜詳之兩河初夏生麻菰即草也極大者亦不可
食惟種出者無毒種以爛楮木數寸碎之埋土中以

米泔灌即生不出三日矣閩中種香草法見王氏農

書明徐獻忠吳興掌故集

機謹按予止當作予疑

四時類要曰三月種菌子取爛構木及葉於地埋之常以泔洗令溼三兩日即生又法畦中下爛糞取構木可長六七寸截斷碓碎如種菜法於畦中勻布土蓋水洗長令潤如初有小菌子仰把推之明且又出亦推之三度後出者甚大即收食之本自構木食之不損人玄扈先生曰構樹即穀樹也一名楮葉有瓣曰楮無瓣曰構見段成式酉陽雜俎○明上

海徐光啓農政全書

芝栢菌草也○在地曰芝在木而栢香者曰香草爾雅中槁菌郭璞曰江東名土菌曰槁廚孫炎曰地草亦曰地雞獐頭草出閩粵北方有磨菰羊肚天花猴頭曰肉蕈韓退之言樹雞成式言糊猴眼即猴頭鍾山孝陵有松蛾雲南有雞墩或曰菌或曰蕈皆高脚繖頭也邊上有榆肉為最榆之麁也共地耳也桑耳曰桑黃桑臣槐耳曰赤雞說文蕈而克切木耳也一曰奇此內則芝栢徐作芝樗縱當作菱宋陳仁玉作菌

譜平西有斷椿榆構斧其皮火雨爛之以米泔沃之
雷則出葷矣不雷則大斧擊之而葷亦出清方以
智通雅
地生為菌木生為栴江東人呼葷北人曰蛾爾雅中
馗菌郭註地葷似釘蓋今呼土菌可啖一名馗尉孫
炎曰地葷子或云地雞亦云獐頭又朝菌生糞土上
朝生暮死名欬生芝別有鬼蓋叢生垣牆下赤色名
地蓋一名鬼屋一名朝生即今鬼繖味甘平無毒治
小兒寒熱痢醋搗汁傳惡瘡良鬼蓋色黃白者名地
苓味苦無毒又無繖者紅紫鬆虛如花狀頭如筆名

鬼筆一名朝生暮落花俗呼狗溺臺曝乾研末和油
塗疽癰良又本草有藿菌陶弘景云鶴屎所化李時
珍云當作蕈乃蘆葦下所生菌也蘇恭云菌色白輕
虛療虺效又如蕈菌有刺者名蜀格治痿痺凡菌六
七月間溼熱蒸生山中者甘滑可食江南呼為菰夜
光及煮不熟煮訖湯照人無影者上有毛下無紋仰
卷赤色者有毒殺人以夏秋間蛇蟲行吐涎生也莊
子齊物論樂出虛烝成菌喻事變之異物各自然不
知其所以然也禮內則芝栴為一類今或作木槁即

木耳亦曰木樨。又廣西橫州出雷菌。過雷過即生。宜疾。采遲即腐。作羹甚美。又菌生朽竹根節上者一名竹蓐。又名竹肉。白色可食。酉陽雜俎曰。江淮有竹肉。味如白樹雞。苦竹生者有毒。黃休復客話曰。凡中菌。毒掘地作坑。以新汲水投坑中攪之。令濁。少頃待澄。清取飲。即解。此水藥部名地漿。能解諸毒。又香木之根曰菌。葉曰蕙。離騷雜申椒與菌桂。又山海經大荒蓋猶之山有小人。名曰菌人。史異唐文宗太和九年冬。鄭注金帶生菌。此艸妖也。又陳氏拾遺曰。南夷懸

屍于樹。汁滴入地。生菌子。收之名菌。藥毒人至酷。又菌槿。殊類。莊子朝菌不知晦朔。專指菌言。非謂槿名。朝菌以槿朝。華夕隕。故借名朝菌。非槿即菌也。駱賓王樂太夫輓歌首二句云。一旦先朝菌。千秋掩夜臺。即莊子所謂朝菌與槿無涉。唐汝詢詩解引莊子註。司馬彪曰。朝菌大芝也。天陰生糞土上。見日則死。一名日及。又引花木考曰。朝菌者朝花暮落。世謂之木槿。不知槿名日及。朝菌非木槿。溷合為一物。誤。又胡菌雖名大芝。實非芝類。訓菌為大芝亦誤。清廖文英正字通

錢簡拙云山中有名栢昔伐其根用斧碎斷之如鱗
皴然三年後木腐生蕈而不盡在木凡霜霰所薄之
地一霰一蕈或在地或在葉或濺于山阿高下數十
丈俱成蕈矣夫風蘭之生于風蓑荷滴滴金之生于
露雷蕈之生于雷木蕈之生于霰然後知風雪露雷
皆生物之具也清來元成博學彙書
求至鮮至美之物于笋之外其惟蕈乎蕈之為物也
無根無蒂忽然而生蓋山川草木之氣結而成形者
也然有形而無體凡物有體者必有渣滓既無渣滓

是無體也無體之物猶未離乎氣也食此物者猶吸
山川草木之氣未有無益于人者也其有毒而能殺
人者本草云以蛇蟲行之故予曰不然蕈大幾何蛇
蟲能行其上况又極弱極脆而不能載乎蓋地之下
有蛇蟲蕈生其上適為毒氣所鐘故能害人毒氣所
鐘者能害人則為清虛之氣所鐘者其能益人可知
矣世人辨之原有法苟非有毒食之最宜此物素食
固佳伴以少許葷食尤佳蓋蕈之清香有限而汁之
鮮味無窮清湖上李漁問情偶奇

莊子樂出虛蒸成菌。○列子朽壤之上有菌芝者生于朝死于晦。○呂氏春秋和之美者越駱之菌。○潛夫論中堂生負苞山野生蘭芷負苞朽木菌也。○酉陽雜俎宋州莆田縣破岡山武宗二年巨石上生菌大如合簣莖及蓋黃白色其下淺紅盡為過僧所食云美倍諸菌。佩文齊廣群芳譜

菌人呼為葷無紋者毒。虎丘山志

葷即菌多生山林陰翳處味類麻菇微溫有小毒以生薑同煮色變者可辨。江陰縣志

葷有數種惟茅山玉葷為勝俗呼菌子。重修鎮江府志

菌有青頭牛肝胭脂羊奶數種。雲南通志

菌磨菇香葷羊肚麥蘗木耳皆菌屬也皆嘗不嘗有而時生于霖雨濕槎之中。曹縣志

菌類甚多或能傷人亦使人善笑其最下者麥熟菌所謂軟濕青黃者也。歙縣志

菌地生為菌水生為槁槁音而一作槁。建昌縣志

菌俗呼菰六七月生山中有紅黃黑白各種。江西新城縣志

野蔬有菌俗名為葷有可食有不可食方以智曰有

夜光者煮不熟者湯照人無影者俱能殺人不可食

仁和縣志 蕈即菌冬春之交於深山中斫大樹木以米汁沃之

而生或用物不時敲之更雨雪多則盛香者曰香蕈

陸雲詩思樂葛藟薄采其蕈松溪縣志

蕈一名菌俗謂之蕈有五色山氣蒸而生下有分瓣

鮮美可食無瓣者食之殺人中其毒攪地漿飲之解

木耳間有之撫州府志

地生者為菌孫炎曰地蕈子郭註似釘蓋今呼土菌

可啖也凡菌六七月間濕熱蒸生山中者甘滑可食

夜有光及煮不熟煮訖湯照人無影者上有毛下無

紋仰卷赤色者有毒殺人以夏秋間蛇蟲吐涎生也

陽春縣志

亦多種有白圻菌有鷓鴣菌凡朽木腐草氣蒸成菌

剥之紋理直透至根皆可啖否則有毒一種蛇菌入

口殺人惟鷓鴣立解高要縣志

蕈俗呼菌子生山中有紅如丹砂黑如墨白如雪黃

如蠟諸色楊廷秀詩云空山一雨山溜急漂流桂子

松花汁土膏鬆暖都滲入蒸出蕈花團戰戰正謂此也味甘滑間有苦者防蛇毒不可輕食若香蕈生於冬又別一種丹徒縣志

機謹按鎮江府志諸色下有出茅山者名玉蕈尤勝九字

菌雨後生松栗樹下者味鮮美可食背無傘衣者有

毒懷寧縣志

菌俗謂之菰有紅菰蕈性熱冬月生福州府志

菌或生蠹木或生腐草或生沙土聞雷而發木生者

如芝草生者如蓋土生者如下土人總名曰磨菇惟凍黃天花延壽猴頭羊肚鷄腿為最曝乾者香味稍

減幾輔通志

菌俗名為蕈有可食有不可食誤食能殺人野人多

于冬日斷大木砍之日澆浙水至春生蕈杭州府志

南華經曰蒸成菌三月雨後而發朝榮夕瘁俱叢生

頂白背紅者極香美獨生者殺人封川縣志

蕈即菌曰雷聲菜陳仁玉有譜義烏縣志

蕈即菌生山林陰翳處多不可食以生姜同煮色變

者可辨然亦惟松花蕈為佳江陰縣志

地產者為菌木生者為樗雁來青第一乳脂次之紅

白黃者有毒不可食誤食者以甘草湯解之凡菌有

毛者下無文者煮不熟者壞爛無蟲者煮訖照人無

影者俱不可食安慶府志

蕈即菌多生西山中二月生者名雷驚蕈色赤者名

猪血蕈其他梅蕈松蕈桑蕈皆可食然亦有毒蘇州府志

蕈即菌多生西山松林下二月生者名雷驚蕈其色

赤者名猪血蕈味皆鮮美姑蘇志

蕈各處皆生山中獨多鵝子蕈最佳陳仁玉蕈譜所

謂鵝蕈也其他梅蕈松蕈茶蕈桑蕈菜花蕈皆可食

吳縣志

蕈多種出仙居稠臯者勝其地有左溪右溪中溪中

溪者最香又天台萬年山出合蕈土人珍之多暴以

致遠仙居亦有之台州府志

庶物類纂
卷五



